



REPUBLIKA E KOSOVËS-REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



| | | | |
|---|---------------------------------|-------------------------------|-------------------------------|
| Pranuar / Dorezuar Prilbena / Protokolli Received / Delivered | 08.12.2022 | 2 | viti god. year |
| Organ / Njësia Org. Unit | Si Prot Bil. Prot Prot No | Shtojca Prilog Appendix | Sasia Kolicina Quantity |
| SKANSHIC | 7769/2022 | | 113 |



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.973/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Malsore Gashi Bajraktari-kryetar, Arben Mehmeti dhe Eshref Shabani-anëtarë, me Flakron Gashi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.973/2022 të datës 04.11.2022 të parashtruar nga ankuesi [redacted] me adresë banimi: [redacted] Komuna e Kamenicës, kundër organit të punësimit/Komuna e Kamenicës, në çështjen juridike "kompensim material", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më 08.11.2022, mori këtë:

V E N D I M

HEDHET POSHTË si e palejuar ankesa me numër A.nr.973/2022 e datës 04.11.2022 e parashtruar nga ankuesi [redacted]

A r s y e t i m

Ankuesi, [redacted] me datë 04.11.2022 ka parashtruar ankesë në Këshillin e Pavarur Mbikëqyrës për Shërbimin Civil të Kosovës me numër protokoli:6702/2022 të regjistruar me numër A.nr.937/2022, për shkak të heshtjes administrative të institucionit punëdhënës lidhur me kërkesën e tij të datës 28.09.2022 për harmonizim e koeficientit nga 7.5 në 9.5 me pretendimin ankimor se i njëjti është duke u diskriminuar.

Këshilli i Pavarur Mbikëqyrës për Shërbimin Civil të Kosovës, bazuar në Rregulloren Nr. 02/2018 për Procedurën e Shqyrtimit dhe Vendosjes së Ankesave, ka proceduar kërkesën për

përgjigje në ankesë të Komuna e Kamenicës, ndërsa Këshilli, me datë 18.11.2022 ka pranuar përgjigjen në ankesë se bashku me shkresat e bashkangjitura të lëndës.

Kolegji për Shqyrtimin dhe Vendosjen e Ankesave, ka administruar këto prova: Ankesën me numër protokollit 6702/2022 të regjistruar me numër A.nr.937/2022 në Këshillin e Pavarur Mbikëqyrës për Shërbimin Civil të Kosovës e datës 04.11.2022; Kërkesa me numër të protokollit 02-31182 e datës 28.09.2022 e parashtruar tek Kryetari i Komunë; Ndryshimin dhe Plotësimin e aktit të emërimit të ankuesit i datës 30.12.2013; Kërkesën për përgjigje në ankesë; Përgjigjen në kërkesë e datës 18.11.2022; Vendimin e Këshilli me shifër A.nr.592/2022 i datës 18.08.2022; Akt Emërimit e datës 08.09.2017; Akt Emërimit e datës 05.06.2017; Formularin e vlerësimit të rezultatit në punë të ankuesit; Listën e pagave të ankuesit për muajin shkurt dhe nëntor të vitit 2022.

Kolegji për Shqyrtimin dhe Vendosjen e Ankesave, pas shqyrtimit të gjitha shkresave të lëndës të parashtruara nga palët, ka konstatuar se ankesa e ankuesëve, është e palejuar, *sepse*

Kolegji për Shqyrtimi dhe Vendosjen e Ankesave, nga administrimi i shkresave të lëndës të parashtruar nga palët në procedurë ka gjetur se ankuesi [REDAKTUAR] sipas ndryshimit dhe Plotësimit të Aktit të Emërimit të datës 30.12.2013 është i punësuar në Komunën e Kamenicës në pozitën "Përgjegjës i Qendrës për Shërbime për Qytetarë" në kuadër të Drejtorisë së Administratës të Komunës së Kamenicës.

Kolegji i Këshillit, po ashtu ka konstatuar se ankuesi me datë 28.09.2022 ka parashtruar kërkesë të Kryetari i Komunës së Kamenicës për harmonizimin e koeficientit nga 7.5 në 9.5 me arsyetimin se i njëjti mban pozitë udhëheqëse, ndërsa ankuesi po ashtu thekson faktin se ndjehet i diskriminuar ngase pozitat e reja që po rekrutohen për pozitat e Udhëheqësve të Sektorit koeficientet e tyre janë më të lartë. Mirëpo nga shkresat e administruara të lëndës është konstatuar se ankuesi nuk ka pranuar përgjigje apo akt administrativ që zgjedhë apo trajton kërkesën e tij fillestare të datës 28.09.2022.

Kolegji i Këshillit lidhur me pranueshmërinë e ankesës së ankueseve, ka analizuar dispozitat ligjore të Ligjit Nr.05/L-031 për Procedurën e Përgjithshme Administrative, gjegjësisht nenin 98 paragrafin 1 dhe 2, ku përcaktohet se: 1. *Procedura administrative nisur sipas kërkesës, do të përfundojë sa më shpejt që të jetë e mundur, por jo më vonë se sa afati i përcaktuar me ligj të veçantë për atë lloj procedure.* 2. *Në rast se ligji i veçantë nuk ka paraparë një afat, siç është paraparë në paragrafin 1 të këtij neni, afati i përgjithshëm i zbatueshëm për përfundimin e procedurës administrative është dyzetepesë (45) ditë nga fillimi i saj*", si dhe nenin 127 paragrafi 1 dhe 4 i të njëjtët ligj ku përcaktohet se: "1. *Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ.* 4. *Ankesa kundrejt heshtjes administrative mund të parashtrohet jo më herët se shtatë (7) ditë dhe jo më vonë se dy (2) muaj pas skadimit të afatit për njoftimin e aktit administrativ.*

Ndërlidhur me këtë, Kolegji i Këshillit në bazë të shkresave të lëndës si dhe konstatimeve të dhëna si më lartë në arsyetimin e këtij vendimi, konstaton se ankesa e ankuesit e datës 04.11.2022 e parashtruar në Këshillin e Pavarur Mbikëqyrës për Shërbimin Civil të Kosovës është e paraafatshme, ngase e njëjta është parashtruar në kundërshtim me nenin 127 paragrafi 1 dhe 4



të Ligjit Nr.05/L-031 për Procedurën e Përgjithshme Administrative, pasi që institucioni punëdhënës lidhur me kërkesë e ankuesit të datës 28.09.2022 ende nuk kishte vendosur apo nuk ka nxjerrë akt administrativ përpara se ankuesi të parashtronte ankesë në Këshill, sikurse që nuk është përmbushur as kriteri kohor ndërlidhur me heshtjen administrative, pasi që institucioni punëdhënës sipas dispozitave të lartcekura ligjore ka pasur afat kohor 45 (katërdhjetë e pesë) ditë, për trajtimin e kërkesës së ankuesit të datës 28.09.2022, ndërsa ankuesi ankesën në Këshill e ka parashtruar me datë 04.11.2022 apo 38 (tridhjetë e tetë) ditë pas parashtrimit të ankesës në institucion punëdhënës.

Andaj, Kolegji për Shqyrtimi de Vendosjen e Ankesave, nga të gjeturat e dhëna si më lartë, konstaton se ankesa e ankuesit e parashtruar në Këshillin e Pavarur Mbikëqyrës për Shërbimin Civil të Kosovës me datë 04.11.2022 është parashtruar në kundërshtim me nenin 127 paragrafi 4 të Ligjit Nr.05/L-031 për Procedurën e Përgjithshme Administrative, andaj është hedhur poshtë si e palejuar sikurse në dispozitiv të këtij vendimi, pasi që nuk e plotëson kushtin e nevojshëm të pranueshmërisë së ankesës në kuptim të nenit 129 paragrafi 1 nën paragrafi 1.3 të Nr.05/L-031 për Procedurën e Përgjithshme Administrative ku përcaktohet se: "Ankesa është e pranueshme nëse i plotëson këto kushte: 1.3. ajo është parashtruar brenda afatit të parashikuar nga neni 127 i këtij ligji."

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 6 paragrafin 1, nën paragrafin 1.1 dhe nenin 18 paragrafi 1 nën paragrafi 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.937/2022

Flakron GASHI

Zyrtar i Lartë për Bashkëpunim Profesional

Malsorë GASHI BAJRAKTARI

Kryetare e Kolegjit

Vendimi i dorëzohet:

- Ankuesit
- Kryetarit të Komunës së Kamenicës;
- Udhëheqësit të Njësisë së Burimeve Njerëzore në Komunën e Kamenicës, dhe
- Arkivit të KPMSHCK-së.